

# Te Guijtz Lo Tito

---

## Bacuaa Pabl lo Tito

**1** Narä Pabl, nacä xmos Dios, apost xten Jesucrist, te gacnäá guiroobru xcälirililajz reni agule Dios, te gacbeezareni didxlii ni rusia xcälñabajñnu. <sup>2</sup>Cayunlojzanu yälñabajñ par tejpas nani Dios, ni digacdi guinii didx-xhii, bia'nni diidx guniidxni cheni gajdli guedxliuj guirixtiej. <sup>3</sup>Niluxh che bidzujñ dxej ni agulexгаа Dios, laani baluiini xtiidxni. Si'cza baniidxni xtiidxni loä te gusule'äni si'c gunibee Xtiosnu ni rusläa nurnu neñ dojl. <sup>4</sup>Cacuaä guijtzre lojlu, Tito, xi'nä lo yälirililajz ni ria'pnu xcuent Jesucrist. Rniabä lo Dios Xtdanu näj lo Dad Jesucrist ni rbää nuurnu neñ dojl, gacnäjäreni luj, gulaslajzreni luj, guscuecdxizareni lajzlu.

## Dzuun ni rujn Tito guedx Creta

<sup>5</sup>Che basa'nälu lo yuj ni tre' lo nisdoo, ni laa Creta, basa'nälu te guluuxlu dzuun ni di niajldi nuluxä ro'c, näjza te cuelu rebengool loj reguidoo neñ tejga reguejdx si'cni gunibeä gunlu. <sup>6</sup>Gule bengool ni nabansa'c, te na'c guiniyaj bejnreni, nanab gacni chääł tejtis

gunaa, riäjłza chalilajz rexi'nni, na'c guibajñreni si'ctisni rlajz tiejxhrene, jiureni xtidx xtdareni. <sup>7</sup>Niguii ni rnibee guidoo rcanäj rexhixten Dios, ni'cni riäjł ga'pni te yälñabanya. Na'c gacni te bennajd, na'c gacni te bennadxecha', na'c gacni bengü, na'c gacni te bejn ni rdxagdijł bejn, na'cza xca'ni meel ni dini niunsa'c gaan. <sup>8</sup>Nanab gacni te bejn ni rudedlaa rolizjni jia'n beñ biooz, riäjłza chanälajzni dzunsa'c, gac nasinni, chu xcäriejñni; guibansa'cni nez lo Dios, sigajcza nez lo rebejn, guibannayani nez lo Dios, na'c gunni nani rlajztis tiejxhni. <sup>9</sup>Riäjł chanuutisni lo didxlii ni bisieedni te gac gulidxnäjzani bejn xtidx Dios, te guzejcni diidx lo rebejn ni rniyaj xtidx Dios.

<sup>10</sup>Yu' xhidajł benguijdx, bejn ni rnii diidx ni xhet sajcdi, näjza xhidajł bejn ni rnii didx-xhii ni rusguee. Näjza lo rexpeñ Israel ni riuduxh leii yu' sa' bejnre. <sup>11</sup>Sa' redee ni nanab jäü ro'ni, sa'csi rusgueerene xhidälro sa'reni, ruluiireni ni di riäjł guluiireni te gunreni gaan meel.

<sup>12</sup>Te niguii ni siääd lagajc lajdxreni guniini xcuent lagajc

rebeñ lajdxni: “Rebeñ ni najc cretenses rniduxhreni didx-xhii, niälajzarení. Rlajzreni gausa'creni niluxh di rlajzreni gunreni dzuun.”  
<sup>13</sup>Niluxh guliini, ni'cni gudilñajreni, te chalilazsa'creni xtidx Jesucrist,  
<sup>14</sup>te na'cruza gucuadijgreni rediidx ni rdxállajz rexpén Israel, niclaza rediidx ni rnibee beñ ni gulälaz didxlii.

<sup>15</sup>Loj renani rujn xhigabya, guira'ti najc naya, niluxh loj reni di chalilajz, ni xhet nayadi najc xhigabreni, guira'ti nacdxuudx, xcäriejnlireni nacdxuudx. <sup>16</sup>Naj rujnsireni si'cni numbeerreni Dios, niluxh ni rujnreni huenliisi ruzén direni nililajz, najc'reni benguijdx, direni jiu xtidx Dios, digacdi gunreni nicla tej dzunsa'c.

#### Rulijdx Pabl Tito guluisa'cni rebeñ

**2** Niluxh luj guniitis rediidx ni ruluisa'c. <sup>2</sup>Baluu rebengool gac beña, beñ ni yu' xcäriejnñi, beñ ni rumbee xhini'c najc dzunsa'c, xhini'c najc dzunguijdx, beñ ni rajpza yälirilajz, yälsanälajz, näjza ni rbecdxi lajzni. <sup>3</sup>Sigajcza, regunagool, nanab guibajñreni si'c te ni yusa'c lo Dios, na'c guiniireni diidx ni di riäjł guliireni, na'cza soozreni. Riäjł guluiireni redidxxa'c <sup>4</sup>te guluiireni regunaa dxa'p chu xcäriejnreni, chanälajzreni chäälreni näj rexi'nreni. <sup>5</sup>Gacreni nasin, guibanñayarení, xcanäsa'creni rolizreni, gacreni bensa'c gusoobreni xtidx chäälreni, te rut guiniyajdi xtidx Dios.

<sup>6</sup>Sigajcza gojz lo rebí'n riäjł chu xcäriejnreni. <sup>7</sup>Luj guzuj te fiireni

xho riäjł gun beñ dzunsa'c. Che guluiilureni, saru baluu guiraa reni riäjł guluiilu. <sup>8</sup>Didxxa'c gunii te rut gacdi guiniyaj diidxga, te si'c guitujy chutis ni rlajz guidxe'ch lojtu te xhet xhi didxguijdxdi gac guiniireni xcuentlu.

<sup>9</sup>Balijdx remos te gusoobreni xtidx xlamreni, te gunsa'creni dzuun, na'c guzejc'reni diidx lo rexlamreni. <sup>10</sup>Na'c cuanreni alga guibansa'creni te guluii xcälñabajñreni lacti sacduxh xtidx Dios ni baslaa nuurnu neñ dojl.

<sup>11</sup>Sa'csi abiääd xcälracnäy Dios, abiädnäni yäruslaa neñ dojl lo guiraa rebeñ. <sup>12</sup>La xcälracnäy Dios ni ruluii nuurnu gusa'nnu redzunguijdx, näjza dzuun xten guedxliujre te guibansa'cnu, te chonälajznu Dios lo guedxliujre. <sup>13</sup>Ruluiizani nuurnu cuääznu guidzujñ dxej ni soob xtiidxni ni basa'nni loonu xcuent dxej che jääd Gueb Dios näj Xtrad Jesucristnu ni ruslaa nuurnu lo dojl. <sup>14</sup>Laani gujtni te guslaani nuurnu lo guiraa redołguijdx, te basiani nuurnu te gacnu xpejnñi, gaczanu te beñ ni rdxagljaz rujn dzunsa'c.

<sup>15</sup>Diidxre gunii, balijdx, basule' si'c te bennajn. Di gusaanlu cuälazreni luj.

#### Ni riäjł gun reni rlilajz

**3** Basnaj lajz rebeñ gusoobreni xtiidx rebeñ ni rnibee näjza reguxhtis, gusoobreni xtiidxreni, xcäjbzarení gunreni xhitis dzunsa'c. <sup>2</sup>Na'c guiniyajreni beñ, cuedxireni, gaczarení bensa'c, saru gac nadolajzreni loj chutis beñ.

<sup>3</sup>Sa'csi galoo sigajcza xheti xcäriejnñu, dizanu gusoob xtidx

Dios; basguee bejn nuurnu, yu'tisnu lo guiraasi dolguijdx nájza lo ni rchagljajtis rujn tiejxhnu, nabajntisnu lo dolguijdx, rudxonlajznu, rdxe'ch bejn loonu, rdxe'chzanu lo sa'nu. <sup>4</sup>Niluxh che baluiloj xcäl\_rulaslajz nájza xcäl\_rinälajz Dios ni ruslaa nuurnu nájza reben\_guedxliuj lo dojl, <sup>5</sup>dxejc baslaa Dios nuurnu lo dojl, xhet sa'csi yu'di xhi dzunsa'c biennu, alga sa'csi balaslajzni nuurnu. Baslaa Dios nuurnu lo dojl sa'csi bidiib lastoonu, te biäjt xtoj\_lnu te najcnu bencoob, sa'csi bascoobza Xsprit Dxan xten Dios xcäriejnnu. <sup>6</sup>Baniidx Dios cuääzpac Xsprit Dxanni nen lastoonu xcuent ni bejn Jesucrist ni baslaa nuurnu, <sup>7</sup>te sa'csi rujn Dios cuent najcnu bensac sa'csi abadzucajni xtoj\_lnu, naj sica'nu xcäl\_nasa'cnu ni cabääznu, nalaaznu yäl\_nabajn par tejpas.

<sup>8</sup>Dee ni najc guliipac, ni'cni rlazä chanuutislu guiniilu rediidxre loj rebejn, te rebejn ni rililajz xtidx Dios gunduxhrene ganax dzunsa'c. Rediidxre najc laaca, sacduxhrene loonu. <sup>9</sup>Naj basaan rediidx ni najc

xlia'si, rediidx ni gunii reben\_galoo, yäl\_rdiiddix xcuent xleii toMoisés sa'csi guiraa rebiejyga xhet sajcdini, xhetza huendi rujnrene.

<sup>10</sup>Palga yu' te bejn ni gun la' sa' reben\_guidoo, gunii lojni tej o tio'p huält. Palga dini jiejn, colcuääni lojtu. <sup>11</sup>Sa'csi anajntu sa' bejnga abaro'nni, agulälazni didxlii, lagajc xtoj\_lni sujn nitni.

#### Diidx ni bacuaani lojtis Tito

<sup>12</sup>Che guxhalä Artemas o Tíquico lojlu, gudahuiipac narä lo guedx Nicópolis. Ro'c abenä xhigab tedä rebäinajl. <sup>13</sup>Gucnäduh licenciaad Zenas nájza Apolos, badeed guiraa ni rquiinrene te chanuureni xpiajrene, te xhet jiaädxdireni. <sup>14</sup>Suguisieedza resa'nu gunrene dzunsa'c te gacnäjrene che guiquiinnureni, te na'c guibaj\_nrene xlia'si.

#### Ruxhalni xtixtios

<sup>15</sup>Guiraa reni yunäj narä ruxhal xtixtios lojlu. Badeedza xtixtios loj resa'nu lo yäl\_rililajz. Dios gacnäj guiraatu. Sugacni si'c.